

2021 年高師大原住民族語朗讀【郡群布農族】編號 2 號

Sahal mas Bunun

1. Masa habasang, Bunun hai takisia uhaivas vali tu bukzav, cis-uni kan-asangun mas vaivi siduh, musasu kilim mas bahl tu nakahuman sinmas hanupan, at taulushu mai-aupa sia ludun. Itu Bunun katdan hai, malvavaz sia mishang ludaun, mamantuk tu takisdaza siduh.
2. Us-upa sia dusatusaba painsanan tu tanangaus, Bunun hai kitngab maisnasia Nantu taulushu, Takbanuaz mas Takivatan hai mai-aupasia Kalingku, Isbukun hai tunlansan mishang ludaun mai-aupasia maklangan tu Takau mas Taitu tu ludun.
3. Mais kanasia taulushutan sadu, i-sia tastu Tai-uan iskaupakaupa tu siduh, mastan istamasazan mulushulushu hai siamas Bunun.
4. Buun hai mainum tu siduh: Takituduh, Takibakha, Takivatan, Takbanuaz, Isbukun mas silansanunin vaivi siduh tu Takibulan.
5. Masa habasang, Bunun hai tasatasa tu siduh min tastu asang, tukasiswa hai mal-ampuk kalumah. Mais aiza vaivi siduh anis ni tu tukasiswa tu Bunun siduh kan-asang hai, nautu ka inbasun.
6. I-sia Bunun tu a-sang, aiza tu tatau paliskadan. Tasa hai madaingaz, dusa hai is-amaminan, tau hai lavian.
7. Bunun mais namunghuma anis hanup hai, kanasia ismut mas lukis tu tail-ian sinmas buan tu minvaivi sadu tu adu namahtu kuzakuza.
8. Maszang mas kalipuah bunuaz hai, mahtuin minang maduh; mais mangava buan hai, madadu mapusbai ivutaz mas malabut ismut; mais matauntaun buan hai madadu kamaduh anis lus-an.
9. Matauntaun tu buuan hai pailis-uni namalisvala sinmas min-aiza maduh; mangava tu buuan hai pailis-uni asa tu mapusbai mas nais-inkuang.
10. Itu Bunun patutu-iun hai aiza tu maipat: tasa hai tultul, dusa hai hunghung, tau hai latuk.
11. Katsia Tai-uancin tu takisilazan, ngaus sahalan mas tastu dalahcin hai siamas Bunun. Aupa i-sia 1952 painsanan, Lipun tu Hiculungcu masa i-sia malka huzas tu tastu muampuk, mapata-aza mas itu Bunun tu pasibutbut, masa tai-aza hai cinghuza daingaz. Aupa tastu dalahcin hai inukang maupacia sinkahuzas masmuav tu makitvaivi masling.